



მენორა

გამოდის
1993 წლის
მარტიდან

ღამოუკიდებელი ებრაული ბაჰეითი საქართველოში

„MENORA“ INDEPENDENT JEWISH NEWSPAPER IN GEORGIA

מנורה

„МЕНОРА“ НЕЗАВИСИМАЯ ЕВРЕЙСКАЯ ГАЗЕТА В ГРУЗИИ

საქტემბერი
(თიშრვი)
№9 (395)
(5775)
2014

“מנורה”

עיתון יהודי

בגוריה



გილ-ცხვით ებრაული წვეთადრიცხვის 5775-ე წლის დადგომას!

ებრაული ახალი, 5775 წლის დადგომასთან დაკავშირებით, ისრაელის ზრეზიდენტის მილოცვა მსოფლიოს ებრაული თემის წარმომადგენლებს

ძმებო და დებო,
დიასპორაში მცხოვრები ებრაული თემის ლიდერებო და მეგობრებო,

ებრაული ტრადიციის მიხედვით, რომ ჰაშმონა პირადი, თემისა და ეროვნული სულიერების ძიების პერიოდია. ბოლო დროს განვითარებული მოვლენების ფონზე, ძირეულ საკითხებზე ფიქრი სრულიად განსაკუთრებულ მნიშვნელობას იძენს.

ოთხი ახალგაზრდის, ნაფტალის, გილადის, ეიალისა და მუჰამედის გატაცებისა და სამხრეთ ისრაელში მიმდინარე კამპანიის გამო ისრაელის მოქალაქეები და ლიდერები ურთულესი დილემის წინაშე აღმოჩნდნენ: საკუთარი სახლები და მიწა დაიცვან თუ უდანაშაულო ადამიანებზე იზრუნონ? ისრაელი ვალდებული იყო, ტერორისტული ორგანიზაციების მხრიდან წამოსულ ტერორზე სათანადო პასუხი გაეცა და არც ებრაული, დამოუკიდებელი სახელმწიფოს ღირებულებები დაეკარგა, დაეცვა საკუთარი მოქალაქეების, როგორც ებრაელების, ასევე, არაბების თანასწორუფლებიანობისა და ღირსების პრინციპები.

ისრაელის გამძლეობა სამხედრო ძალაზე არ არის დაფუძნებული, იგი ლიბერალური, დემოკრატიული, ებრაული ღირებულებებიდან იღებს სათავეს, რომელსაც ყოველი ჩვენგანი ვეყრდნობით.



ისრაელის მთავრობა და საზოგადოება არა მხოლოდ სამხედრო, არამედ საზოგადოებრივი გამბედაობით გამოირჩევა როგორც ყოველდღიურ, ასევე კრიზისულ სიტუაციებში.

ოპერაცია “თავდაცვის ზღვარის” მიმდინარეობისას თვალნათლივ ჩანდა, რომ ისრაელი ბრძოლის ველზე მარტო არ იდგა. თავისუფალი სამყაროს ლიდერები და ებრაული მოძრაობისა თუ თემების წარმომადგენლები მხარდამხარ იდგნენ ისრაელთან, რათა დაეცვათ საკუთარი მოქალაქეების სიცოცხლის შენარჩუნებისა და

სამხრეთის დასახლებებში მშვიდობის აღდგენის უფლება, რომელიც ისრაელის მსგავსად, ნებისმიერ ქვეყანას აქვს.

ახალი წლის წინა დღეებში მინდა, მაღლობა გადავუხადო ებრაული თემების ლიდერებსა და წარმომადგენლებს ისრაელის სამხედროებისა და მოქალაქეების მხარდაჭერისთვის. დარწმუნებული ვარ, კვლავაც ერთად შევეჭიდებით გამოწვევებს, რომლებთან გამკლავებაც ებრაელ ხალხს მოუწევს როგორც ისრაელში, ასევე – დიასპორაში.

ძვირფასო მეგობრებო,

მომავალი წელი ებრაული ტრადიციით, “შმიტა” წელია, რომლის დროსაც მიწამაც და ადამიანებმაც უნდა დაისვენონ. “შმიტას” დროს ეკონომიკური რბოლა და პირველობისათვის ბრძოლა უნდა შევარბილოთ და ადამიანებში სულიერების ძიება უნდა დავინწყოთ. ღმერთს ვთხოვ, რომ ამ წელიწადს ჩვენს გულებში თანაგრძნობამ, დიდსულოვნებამ და ურთიერთპასუხისმგებლობამ დაიბუდოს. დაე, მომავალმა წელიწადმა ბედნიერება და მრავალფეროვანი ებრაულ ხმების ჰარმონია მოგვითანოს, რომელიც ყოველ ჩვენგანს ერთ ოჯახად, ერთ თემად და ერთ ერად გვაქცევს.

შანა ტოვა ვე შეტუვა

რუჰენ (რუჰი) რიჰლინი

ისრაელის ელჩის – იუვალ ფუჟისის საახალწლო მილოცვა

ერთ ებრაულ სიმღერაში ებრაელები ვმღერით: „დღეები და წლები გადიან, მხოლოდ მუსიკაა მუდმივი“.

მორიგი ებრაული წელიწადი დასასრულს უახლოვდება, მალე ახალი წელიწადი შემობრუნდება. გასული 12 თვე სამუშაოთი, ბედნიერებითა და მეგობრობით იყო სავსე, თუმცა, ისრაელისა და ებრაელი ხალხისთვის დიდი გამოწვევებიც მოიტანა. ყოველი ჩვენგანი სუნთქვაშეკრული უფურცად ახლო აღმოსავლეთში განვითარებულ მოვლენებს და გასულ წაფსულს არაერთი დამეგავათენეთ თეთრად, როდესაც „ჰამასთან“ დაპირისპირების დროს ისრაელს და მის მოქალაქეებს, ჩვენს მეგობრებს, ძმებს და დებს ამდროდში, აშკელონსა და სდეროთში, კიბუცებსა და თელ ავივიში თავშესაფრის ძებნა უწევდათ 4 ათასი ჯარისკაცის დასაცავად, რომლებიც დაზარალებულ ისრაელის მიმართულებით იქნა გამოხრული.

მინდა, მადლობა მოგახსენოთ თანადგომისა და მხარდაჭერისთვის! წლებს არაერთხელ გავხვდით ანტისემიტური გამოვლინებების მოწმენი. მსგავსი ფაქტი ბრიუსელის მუზეუმშიც დაფიქსირდა. სირთულეებისა თუ ღვინის დროს თითოეული ჩვენგანი მსგავსი გამოვლინების წინააღმდეგ უნდა იბრძოდეს.

ებრაელებს ყოველთვის უნდა ჰქონდეთ უფლება, თავისუფლად იცხოვრონ ნებისმიერ ადგილას, იქნება ეს მათი ისტორიული მიწა - ისრაელი, თუ მსოფლიოს სხვა ქვეყნები.

ებრაული ახალი წლის დამდეგს მინდა, ვეველას არა მხოლოდ ბედნიერი, არამედ მშვიდობიანი და უსაფრთხო წელიწადი გისურვოთ.

შანა ტოვა ვე მეტუკა!

**ზატევისცემით,
იუვალ ფუჯისი**

**ირაკლი ღარიბაშვილია
ისრაელის პრემიერ-მინისტრისგან
მადლობის წერილი მიიღო**



საქართველოს პრემიერ-მინისტრმა ირაკლი ღარიბაშვილმა ისრაელის პრემიერ-მინისტრ ბენიამინ ნეთანიაჰუსგან მადლობის წერილი მიიღო. როგორც "ინტერპრესნიუსს" პრემიერის პრესსამსახურიდან აცნობეს, პრემიერ ნეთანიაჰუს წერილი ირაკლი ღარიბაშვილს დღეს ისრაელის ელჩმა საქართველოში იუვალ ფუჯისმა პირადად გადასცა. ელჩს საქართველოს პრემიერ-მინისტრი მთავრობის ადმინისტრაციაში შეხვდა.

ბენიამინ ნეთანიაჰუ ქართველ კოლეგას მადლობას უხდის იმ თანაგრძნობისა და თანადგომისთვის, რომელიც ირაკლი ღარიბაშვილმა ბოლო პერიოდში ისრაელში განვითარებულ მოვლენებთან დაკავშირებით გამოხატა.

საქართველოს პრემიერ-მინისტრმა და ისრაელის ელჩმა ორი ქვეყნის მჭიდრო თანამშრომლობის შესახებ ისაუბრეს, ასევე განიხილეს უვიზო მიმოსვლასთან დაკავშირებული დეტალები და სავაჭრო-ეკონომიკური ურთიერთობები.

იუვალ ფუჯისმა საქართველოს მთავრობის მეთაურს ისრაელის მთავრობის სახელით თანადგომისთვის მადლობა გადაუხადა და იმედი გამოთქვა, რომ საქართველო-ისრაელის მეგობრული ურთიერთობები მომავალში კიდევ უფრო გაღრმავდება.

მოთხოვნა იომ ქიფურის თაობაზე

გაერთიანებული ერების ორგანიზაციის გენერალურ ასამბლეას თხოვნით მიმართა ამ ორგანიზაციის წევრმა 32 ქვეყანამ. ეს ქვეყნების თხოვლობენ, რომ იომ ქიფური შეტანილი იქნას საერთაშორისო დღესასწაულების ნუსხაში. დოკუმენტში აღნიშნულია: „გაერო სცნობს მსოფლიო რელიგიების მრავალ მთავარ დღესასწაულს, იუდაიზმი კი ჯერჯერობით არ შედის ამ

საქართველოს ელჩმა ისრაელში პაატა კალანდაძემ ისრაელის პრეზიდენტს რწმუნების სიგელი გადასცა



ისრაელის სახელმწიფოში საქართველოს საგანგებო და სრულუფლებიანმა ელჩმა პაატა კალანდაძემ რწმუნებათა სიგელი გადასცა ისრაელის პრეზიდენტს რევენ რივლინს. რწმუნებათა სიგელის გადაცემის ცერემონიის შემდეგ შედგა საუბარი, რომლის დროსაც საქართველოს ელჩმა და ისრაელის სახელმწიფოს პრეზიდენტმა ხაზი გაუსვეს იმ მრავალსაუკუნოვან მეგობრულ ურთიერთობის მნიშვნელობას, რომელიც ქართველ და ებრაელ ხალხებს შორის არსებობს. მხარეებმა იმედი გამოთქვეს, რომ საქართველო-ისრაელის თანამშრომლობა მომავალშიც დინამიურად განვითარდება.

ზატონი პაატა კალანდაძე გამოცდილი დიპლომატია, მან დიპლომატიური სამსახური სწორედ ისრაელში დაიწყო და შემდეგ მრავალ ქვეყანაში იცავდა საქართველოს ინტერესებს. დღეს კი ისრაელს ელჩის რანგში დაუბრუნდა. მას ისრაელში ჰყავს მრავალი მეგობარი და პატივისცემელი. ყველაფერი ეს გვარწმუნებს, რომ მისი ელჩობა ისრაელში წარმატებული იქნება.

„მენორას“ რედაქცია საქართველოს ახალ ელჩს ისრაელში — პაატა კალანდაძეს გამარჯვებას უსურვებს.

მიხეილ მირილაშვილის თაოსნობით

ისრაელის საინვესტიციო კომპანიების წარმომადგენლები საქართველოში ეკონომიკური პროექტების განხორციელებით დაინტერესდნენ

ირაკლი ღარიბაშვილმა ბიზნესმენებს მთავრობის ადმინისტრაციაში უმასპინძლა და ქვეყანაში არსებული საინვესტიციო გარემოს, ასევე მიმდინარე და დაგეგმილი პროექტების შესახებ ინფორმაცია მიაწოდა.

ისრაელის საინვესტიციო კომპანიების წარმომადგენლები საქართველოში მსხვილი ეკონომიკური პროექტების განხორციელებით დაინტერესდნენ, - ამის შესახებ დღეს საქართველოს პრემიერ-მინისტრისა და ებრაელი ბიზნესმენების შეხვედრაზე გახდა ცნობილი.

ირაკლი ღარიბაშვილმა ბიზნესმენებს მთავრობის ადმინისტრაციაში უმასპინძლა და ქვეყანაში არსებული საინვესტიციო გარემოს, ასევე მიმდინარე და დაგეგმილი პროექტების შესახებ ინფორმაცია მიაწოდა.

პრემიერის პრესსამსახურის ინფორმაციით, ებრაული საინვესტიციო კომპანიების, Kitaiminvest-ის, Plarium-ის და Pegasus East West-ის წარმომადგენლებმა ენერგეტიკის, სოფლის მეურნეობისა და ინფრასტრუქტურის მიმართულებით საქართველოში მსხვილი პროექტების განხორციელების სურვილი გამოთქვეს.

შეხვედრაზე ასევე აღინიშნა, რომ ბიზნესმენებმა საქართველოს ინოვაციებისა და მაღალი ტექნოლოგიების განვითარების სააგენტოში 100 ათასი დოლარის ოდენობის შემოწირულობა განახორციელეს. საქართველოს მთავრობა აღნიშნულ საინვესტიციო კომპანიებთან მაღალი ტექნოლოგიების განვითარების სფეროში მჭიდრო თანამშრომლობას გეგმავს.

საქართველოს პრემიერ-მინისტრთან შეხვედრას სოფლის მეურნეობის მინისტრი ოთარ დანელია, ეკონომიკისა და მდგრადი განვითარების მინისტრის პირველი მოადგილე დიმიტრი ქუმსიშვილი და ენერგეტიკის მინისტრის მოადგილე ილია ელოშვილი ესწრებოდნენ.



ნუსხაში. გვნამს, რომ გაერო უნდა გამოხატავდეს ამ ორგანიზაციის მთავარ — თანაარსებობის, სამართლიანობისა და ურთიერთპატივისცემის პრინციპს. გაერთიანებული ერების ორგანიზაციას ვთხოვთ გამოასწოროს ეს უსამართლობა და აღიაროს ებრაელთა წმინდა დღე“.

კენჭისყრაში მონაწილეობას მიიღეს გაეროს 193 წევრი ქვეყანა. დღემდე გაეროს მიერ ცნობილია ათი დღესასწაული-ამათ შორისაა ქრისტიანული დღესასწაულები აღდგომა, ვნების პარასკევი, მუსლიმური ურაზა-ბაირამი და ყურბან-ბაირამი.

საქართველოს საგარეო ურთიერთობების მინისტრის განცხადება

თბილისის ივ. ჯავახიშვილის სახ. უნივერსიტეტში სამ დღეს მიმდინარეობდა საერთაშორისო სამეცნიერო კონფერენცია, საქართველოს, კავკასიისა და ცენტრალური აზიის ებრაელები“...

თბილისში ჩატარდა ერთობ სერიოზული სამეცნიერო ფორუმი, რომლის მნიშვნელობა დროის შემდეგ გამოვლინდება. იმის დასტურად, თუ რაოდენ სერიოზულად მიმდინარეობს დღეს ქართველ ებრაელთა ისტორიის, თანამედროვეობის შესწავლა...

Table with 2 columns: Time slot and Event description. Includes events like 'კონფერენციის გახსნა', 'თავმჯდომარე: დოქტ. შიმონ ოხაიონი', 'პროფ. ირაკლი ჩხაიძე', etc.

Table with 2 columns: Time slot and Event description. Includes events like 'დოქტ. ნინო პოპიაშვილი', 'დოქტ. ნუგზარ ტერ-ოვანოვი', 'პროფ. მარიკა მშვილდაძე', etc.

იუვალ ფუქსი: „ჰამასის“ ოსნებაა, ისლამური ხალიფატის შექმნა და აიხთივის მზად არიან მოჭრილ თავებზე იარონ

ლაზას სექტორში უკიდურესად გამწვავებულ ვითარებაზე "კვირის პალიტრა" საქართველოში ისრაელის ელჩს, იუვალ ფუქსს ესაუბრა.

იუვალ ფუქსი - არავინ იფიქროს, რომ ერთ დღესაც ისრაელმა გაიღვიძა და გადაწყვიტა, ლაზაში სამხედრო ოპერაცია ჩაეტარებინა. ჩვენი ქალაქების დაბომბვით სხვა არჩევანი არ დაგვიტოვებს, ყველაფერი კი სამი ებრაელი მოზარდის გატაცებითა და დახოცვით დაიწყო, რასაც ერთ-ერთმა პალესტინელმა ლიდერმა "გმირული საქციელი" უწოდა. სწორედ ამ ტიპის "ისლამურ ჯიჰადთან" უწევს დღეს ბრძოლა ჩემს ქვეყანას და მიუხედავად ამისა, ჩვენ არ ვებრძვით და არაფერი გვაქვს საინააღმდეგო პალესტინელი ხალხისა. მეტიც, გუსუსურს, ბოლოს და ბოლოს, დადგეს ის დრო, როდესაც მშვიდობიან მოქალაქეებს მშვიდად ძილის საშუალება მიეცემა; როცა არავის შეეშინდება, რომ ძილში შეიძლება რაკეტამ იმსხვერპლოს და არავინ დაიწყებს თხუთმეტი წამის გადათვლას, რათა თავშესაფარში შესვლა მოასწროს. აი, ეს არის ჩვენი მიზანი.

- ბატონო ელჩო, მაინც რა საშუალებებითა და მეთოდებით აპირებთ ამ მიზნის მიღწევას?

- ჩვენ მზად ვართ ამ მიზნის მისაღწევად ყველა საშუალება გამოვიყენოთ. თუნდაც სახმელეთო ოპერაცია, რომელიც შეჩერდა ცეცხლის შეწყვეტის შეთანხმების გამო, მაგრამ თუ საჭიროება მოითხოვს, გაგრძელდება. უპირველესად, უნდა შეწყდეს ებრაული ქალაქების დაბომბვა. უფრო გრძელვადიან პერსპექტივაში კი აუცილებელია ლაზას სექტორის რეკონსტრუქცია და დემილიტარიზაცია, როგორც ეს დასავლეთ ნაპირზე მოხდა. წარსულის გამოცდილებამ გვაჩვენა, რომ სანამ ლაზაში იქნება რაკეტები, რომელიც "ჰამასს" შეუძლია ისრაელს დაუმიზნოს, მშვიდობა დიდხანს ვერ გასტანს.

- თუმცა, საფრთხეშია არა მარტო ისრაელის მოქალაქეების სიცოცხლე. არაპროპორციულად დიდია პალესტინის მშვიდობიანი მოქალაქეების მსხვერპლი, ილუპებიან ბავშვები, ნადგურდება ინფრასტრუქტურა... მთელი მსოფლიო შეაძრწუნა ისრაელის არტილერიის მიერ "ლაზაში" გაეროს სკოლის დაბომბვამ... როგორ ფიქრობთ, სამართლიანი ის ფასი, რისი გადახდაც პალესტინის მშვიდობიან მოქალაქეებს უწევთ?

- როგორც ადამიანი, როგორც ებრაელი, როგორც მამა, მთელი გულით გეუბნებით, რომ ძალიან გვანუხებს და ვნანობთ თითოეულ უდანაშაულო სიცოცხლეს, რაც შესაძლოა, ჩვენს საპასუხო რეაქციას მოჰყვა "ჰამასის" მიერ ებრაული ქალაქების დაბომბვის შემდგომ. ამასთან, მინდა შეგახსენოთ, რომ ასევე არაფერი დაუშავებიათ ისრაელის იმ მოქალაქეებს, რომლებიც "ჰამასის" ნასროლ ჭურვებს შეეწირნენ. მათგან განსხვავებით, ჩვენ არ ვუმიზნებთ მშვიდობიან მოსახლეობას. მინდა აღვნიშნო, რომ ჯერ არ დაუდგენიათ, თუ რომელი მხარე იყო პასუხისმგებელი გაეროს სკოლის დაბომბვაზე, თუმცა, ეს არ ცვლის იმას, რომ მოხდა უაღრესად სამწუხარო და დასანანი ფაქტი. მაგრამ, და ეს ძალიან მნიშვნელოვანი მაგრაჰაა, გაერომაც კი დაადასტურა, რომ "ჰამასი" ხშირად იყენებს გაეროსა და სხვა სკოლებს საბრძოლო ამუნიციების შესანახად.

- და ეს ამართლებს ხალხით სავსე სკოლის აფეთქებას?

- თუ ჰიპოთეზებზე მიდგა საქმე, მაშინ წარმოიდგინეთ ასეთი სიტუაცია: ცხოვრობთ თბილისში, გორში ან ქუთაისში, გამუდმებულ შიშში, რომ ერთ დღესაც დაგბომბავენ და თავშესაფარში შესვლას ვერ მოასწრებთ. მე არ მინდა უზუნაეს სამართლიანობაზე ვისაუბრო, მაგრამ როდესაც ისრაელი აფრთხილებს პალესტინელებს, სახლები დატოვონ და ევაკუაციისკენ მოუწოდებს, "ჰამასი" კი მათ ქალაქებიდან გასვლის საშუალებას არ აძლევს და საზარბაზნე ხორცად იყენებს, მათი სახლებისა და სკოლების ქვეშ გვირგვინი გაჰყავს და საბრძოლო არსენალს ინახავს, ვინ არის ამ სიტუაციაში მკვლელი?

მე ვფიქრობ, და მზად ვარ ამაზე პასუხი გავცე ნებისმიერს, რომ ისრაელის არმია მსოფლიოში ყველაზე ეთიკური არმიაა. ხატოვნად რომ ვთქვათ, ლამის პინცეტს ვხმარობთ სამიზნეების შერჩევას. ყოველთვის მაქსიმალურ ძალისხმევას ვხარჯავთ იმაზე, რომ მშვიდობიანი მოსახლეობა არ დაზარალდეს. იშვიათად, მაგრამ მაინც ხდება, რომ მარცხს განვიცდით, რადგან მჭიდრო არეალში გვიწევს ბრძოლა.

- დღევანდელი მოვლენების ფონზე, რეალურად მიგაჩნიათ თუ არა დასავლეთის ინიციატივის - ისრაელ-პალესტინის ორეროვანი სახელმწიფოს განხორციელება?



- არა მგონია ამ თვეში, რომელსაც ამხელა მსხვერპლი მოჰყვა, ვინმეს მოეცალა ორეროვანი სახელმწიფოს მიდგომაზე საფიქრად, მაგრამ ზოგადად, ეს არა მარტო დასავლეთის, არამედ ჩვენი მთავრობის პოზიციაა. მაგრამ ასეთი სახელმწიფოს შესაქმნელად საჭიროა გყავდეს პარტნიორი, რომელსაც ენდობი, რომელსაც სურს შენთან თანაცხოვრება და დაინტერესებულია მშვიდობითა და სტაბილურობით, "ჰამასს" კი ერთადერთი, რაც აინტერესებს, ისრაელის მიწის პირისგან ალგვა და ფანატიკური ისლამური ხალიფატის შექმნაა. სხვა საკითხია მაჰმუდ აბასი - მიუხედავად იმისა რომ მან გადაწყვიტა, ხელისუფლება "ჰამასისთან" ერთად გაეყო, მას, როგორც "ზომიერი მიდგომის" მქონე ლიდერს, აქვს როლი ჩვენს სამშვიდობო გეგმებში. საქმე ისაა, რომ ლაზაზე აბასს არანაირი კონტროლი არ აქვს - ლაზას აკონტროლებს "ჰამასი", რომლის იდეოლოგია და საქმიანობა არაფრით განსხვავდება იგივე "ისისისა" და "ჰეზბოლასაგან". ეს ტერორისტული ორგანიზაციები საფრთხეს უქმნიან არა მარტო ისრაელს, არამედ მთელ ახლო აღმოსავლეთს. რამდენიმე დღის წინ, მას შემდეგ რაც გავრცელდა შემზარავი კადრები, თუ როგორ მოკვებდნენ თავი ამერიკელ ჟურნალისტს "ისის"-ელმა რადიკალებმა, ბარაკ ობამამ ამ ორგანიზაციას "მსოფლიოს კიბო" უწოდა, "ჰამასი" კი მათ იდეოლოგიას იზიარებს. მათ არ აინტერესებთ XXI საუკუნე, არ იზიარებენ მსოფლიო ღირებულებებს, არ ადარდებთ ადამიანი ქრისტიანია, იეზიდი, იუდეველი თუ სხვა. ერთადერთი, რაც ანაღვლებთ, ფანატიკური ოცნების ასრულება - ისლამური ხალიფატის შექმნა და ამისთვის მზად არიან, მოჭრილ თავებზე იარონ.

- ანუ გამორიცხავთ მშვიდობიან თანაარსებობას პალესტინასთან, სანამ "ჰამასი" ფუნქციონირებს...

- ჩვენ გამორიცხავთ თანამშრომლობას ყველა ისეთ მხარესთან, "ალ-ქაიდა" იქნება თუ "ჰამასი", ვინც ისრაელს სახელმწიფოდ არ აღიარებს. სხვათა შორის, უკვე ათი წელი იქნება, რაც ჩვენ ლაზა დავეტოვეთ, იქ აღარ ცხოვრობენ ებრაელები და რა მივიღეთ შედეგად? ტერორისტული ორგანიზაცია, რომელმაც ფეხი მოიკიდა და დღევამოშვებით ისრაელის მოქალაქეებს ბომბავს. აგვისტოს ომი 2008-ში 5 დღე გაგრძელდა, მიუხედავად ამისა, მე ვიცი, თუ რამხელა სტრესი იყო ეს თქვენთვის. ახლა წარმოიდგინეთ, რა სტრესში ცხოვრობენ ისრაელის მოქალაქეები იმ წლების განმავლობაში, რაც "ჰამასი" ლაზაში დამკვიდრდა. წარმოიდგინეთ, გორი რომ ათი წელი ებომბათ, ისე როგორც ებრაულ ქალაქებს ბომბავენ დღეს.

- თქვენი და ჩვენი სიტუაციის შედარება საკმაოდ საკამათოა.

- მე არც ვადარებ. მე მინდა თქვენს მკითხველს სრული სურათი დაეუხატო, თუ რა ხდება ჩვენთან...

- თუმცა, ამ სრულ სურათს მაინც აკლია რამდენიმე მნიშვნელოვანი "შტრიხი": მაგალითად, ჩვენგან განსხვავებით, თქვენ გაქვთ რკინის გუმბათის რაკეტაინააღმდეგო სისტემა. არ "ემთხვევა" რუსეთის მიერ საქართველოს ოკუპაციაც, ოკუპაციაში ისრაელს პალესტინა აქვთ სდებს ბრალს. პალესტინისადმი სიმპათიით განწყობილები ხშირად გასული საუკუნის 60-იანი წლების რუსისკენ იშვერენ თითის იმის საჩვენებლად, თუ როგორ შემცირდა პალესტინის ტერიტორია ისრაელთან კონფლიქტის ხარჯზე...

- მადლობა ღმერთს, რომ რკინის გუმბათი გვაქვს, თუმცა, ეს არ ნიშნავს, რომ იგი ციდან ჩამოვარდა. მის გასაუმჯობესებლად დიდი ძალისხმევა იხარჯება. არ ვაპირებ, თავი მოგაჩვენოთ, თითქოსდა ისრაელი სუსტია. ახლო აღმოსავლეთში თავის გადარჩენა თუ გასურს, ძლიერი უნდა იყო. რაც შეეხება იმას, თუ ვინ არის აგრესორი, დამისახელეთ, როგორ მოიქცეოდა ნებისმიერი სხვა ქვეყანა, მათი ქალაქები ათი წლის განმავლობაში, დროგამოშვებით, რომ დაებომბათ? ალბათ, იმას, რასაც ჩვენ ვაკეთებთ - დაიცავდა თავის მოსახლეობას, უზრუნველყოფდა მის უსაფრთხოებას.

მათ, ვინც ისრაელს აგრესორად მიიჩნევენ, ნება მიბოძეთ, შევახსენო, რომ 21 წლის წინ ოსლოში სამშვიდობო ხელშეკრულებაზე ხელმოწერით პალესტინელთა ცნობილმა ლიდერმა, იასირ არაფატმა, ცნო ისრაელი როგორც ქვეყანა და ქვეყნის სახელით დადო პირობა, რომ პალესტინა არ გააგრძელებდა ტერორის გზას. დღეს კი თავადაც ხედავთ, როგორ ასრულებს პირობას პალესტინური მხარე.

რაც შეეხება ოკუპაციას, რა ლოგიკით ვართ ოკუპანტები, მაშინ როდესაც 2005 წელს ჩვენივე ინიციატივით დავცალეთ ლაზა და პალესტინელებს გადავეციეთ? ჩვენი მიზანი არ არის ლაზას სექტორის ხელში ჩაგდება, მეტიც, ორეროვანი სახელმწიფოზე მოლაპარაკებისას ისრაელი ყოველთვის მიიჩნევდა, რომ ლაზა პალესტინის ნაწილი უნდა ყოფილიყო.

- პალესტინელებს სხვა მოთხოვნებიც აქვთ: ლტოლვილთა დაბრუნება, იერუსალიმის ერთობლივად გაკონტროლება...

- რაც შეეხება ლტოლვილების დაბრუნების უფლებას, რასაც პალესტინური მხარე მოითხოვს, ეს არღვევს ორეროვანი სახელმწიფოს კონცეფციას: ორეროვანი სახელმწიფოს მოდელში ისრაელი არის ებრაელი ხალხის სამშობლო და პალესტინა კი პალესტინელი ხალხისა. ეს არ ნიშნავს, რომ ისრაელში სხვა ეროვნების ხალხს არ შეუძლია იცხოვროს. ჩვენ დემოკრატიული ქვეყანა ვართ, მაგრამ 8-მილიონიანი ქვეყანაში ორმილიონიანი სხვა ეროვნების ხალხის ნაკადის განსახლება გამორიცხებულია. რაც შეეხება იერუსალიმს, ბიბლიოთეკები სავსეა სხვადასხვაგვარი ფორმულებით, პროექტებითა და ინიციატივებით, თუ როგორ უნდა მოგვარდეს იერუსალიმის საკითხი, იქნება ეს ტერიტორიების გაზიარება, დათმობა თუ დასახლება და ა.შ. მიუხედავად ამისა, ჯერჯერობით კონსენსუსს ვერ მივაღწიეთ: იერუსალიმის საკითხი ურთულესია და არა მგონია, ახლანდელი მოვლენების ფონზე მისი გადაწყვეტა მოხერხდეს. სხვა რომ არაფერი, ამისთვის საჭიროა მხარეებს შორის არსებობდეს ნდობა და ამ ნდობაზე დაფუძნებული დიალოგი, იმას კი, რაც დღეს ხდება, დამეთანხმებით, ძნელია დიალოგისთვის შესაფერისი გარემო უწოდო.

ნარსულის სურათები
ლოკაჟინური მოთხრობა

არონ კრიხელი

თავი მეოთხე

გაგრძელება.
დასაწყისი იხ. „მ“ №7,8.

ცხინვალელების სალოცავში ხახა-
მი იატაკზე ფეხმორთხმულ ბიჭუნებს
თორას ასწავლის. დარბაზის სარკმ-
ლებიდან ჩამავალი მზის ალმაცური
სხივები ეხალს მისდგომია და ფარჩის
ფარდას ათასფერად აფერადებს.

სალოცავის ეზოში დიდი ფუსფუ-
სია. ერთ კუთხეში აბრამ პაპისმე-
დოვს დიდი სასწორი უდგას. ცხინ-
ვალელი ებრაელების მიერ მოტანილ
ფეხსაწეობის სწორის და მომტანებს ქვეთ-
რებს აძლევს. ანონილი ფეხილი ზებო
დავარაშვილს ტომრებით ფურნეში
მიაქვს, რომელიც ეზოშივეა მო-
თავსებული და საიდანაც კვამლი და
ხმაური გამოდის. ფურნეში უკვე ორი
თვეა ფესახისათვის მაცას აცხობენ.
თეთრ თუნუქგადაფარებულ ოთხ
მაგიდაზე თუნუქით მოპირკეთებული
ჯოხებით ცომს ზელენ და აბრტყელე-
ბენ. ამ პროცესს თითქმის ნახევარ
საათს უნდებიან, რეზინად ქვეულ
ცომს სპეციალურ მანქანაში რამდენ-
ჯერმე ატარებენ, საიდანაც ძალიან
გრძელ მაგიდაზე ქალაქის სისქის
ცომი ეფინება. ამ ფენას მჭრელი და-
ნით ჭრიან, თხელ ჯოხებზე ალაგებენ
და მეფურნე ხაიმას აწოდებენ, რო-
მელიც, თეთრი ხილაბანდით თავგაკ-
რული, ციბრუტივით დახტის და
მინოდებულ ჯოხებს თვალის დახამბ-
ამებაში ფურნეში ყოფს, იქიდან ცარ-
იელ ჯოხებს დაქანებულ ყაფაზებზე
ყრის, მეგრე საჩქაროდ ხის გრძელი
ნიჩბით გამოძებვარი მასა გამოაქვს
ფურნიდან და გვერდზე მდგომ ხაიმ
მანაშეროვს უყრის, რომელიც მას კე-
დელზე გაკეთებულ ყაფაზებზე გას-
აცვივებლად ალაგებს.

სალოცავის კვება სართულზე და-
ვით ბაზოვი ცხოვრობს. შუშბანდში
სკამებზე ჩამოშვდარნან გერცელი
და ხაიმ ბაზოვი, მიშა კაკიტელაშვი-
ლი, მიშა თავიდიშვილი, პიზო ფიჩხ-
აძე. ისინი დიდი გულმოდგინებით
ყურს უგდებენ შუშაში მჯდომი ჩია
კაცის ლაპარაკს. ჩია კაცს ცხვირზე
პენსნე აქვს გაკეთებული და საუბრის
დროს პენსნეს ხან იხსნის და ხან იკ-
ეთებს. მას ნაყავილარი სახე აქვს და
ქრონიკული სურდოს გამო ცხვირში
ხრუტუნებს.

- ეფიმი ისაევიჩი! - მიმართავს
გერცელი - რა პერსპექტივა აქვს
თბილისში ქართულ ებრაელთა სა-
შუალო სკოლის ჩამოყალიბებას?

- ამ საკითხზე, თქვენი დავალებით,
საუბარი მქონდა მამია ორახელაშ-
ვილთან, რომელმაც სრული დახ-
მარება აღმიქვა. მომიწყო აუდიენცია
ვანო სტურუასთან და ფილიპე მახ-
არაძესთან. მთავრობა ნინაულმდეგი
არ არის, თბილისში ებრაელთათვის
ცალკე სკოლა გაეხსნათ. ოღონდა
მეცადინეობა ქართულად უნდა მიმ-
დინარეობდეს.

- ებრაელი ენის სწავლების შესახებ
რას გვეტყვი?

- ამ საკითხმა დიდი დავა გამოი-
წვია. ჯერ ერთი, ებრაელი ბავშვები
მხოლოდ ქართულად ლაპარაკობენ
და, აქედან გამომდინარე, მათი დე-
დაცა ქართული ენაა. დიდი ბრძოლა
დაძვირდა მთავრობისათვის შემე-
გონებინა, რომ ებრაელებს თავისი
დამწერლობა, გრამატიკა და სალა-
პარაკო ძველი ებრაული ენა გააჩ-
ნიათ. - ეს მკვდარი ენააო, - მითხრეს
მათ, - როგორც ძველი ბერძნული
ენაო, რომელსაც მხოლოდ უმალეს
სასწავლებელში ასწავლიან, ისიც
მხოლოდ ძველი დამწერლობის შეს-
ასწავლად! ჩვენ არ დაუშვებთ, რომ
რელიგიის მესვეურები - ხახმები საბ-

ჭოთა სკოლებში გააპრაპადენო! აბა,
ნახეთ, რომელ საბჭოთა სკოლაში ას-
წავლიან ამჟამად საღვთო სჯულსო,
მღვდლები დიდი ხანია სკოლებიდან
გავაძვევებო! ეხლა თქვენ გინდათ,
რომ ხახმებს ოფიციალურად დავან-
ყებინოთ ებრაელი ბავშვებისათვის
საღვთო სჯულის სწავლაო!

- ჩვენ ხომ მათთვის სალაპარაკო
ებრაული ენის და გრამატიკის შეს-
წავლას ვაპირებთ, - მიუგო გერ-
ცელმა.


- მე ვუთხარი. ხახმები ჩვენ თვი-
თონ გვძულს, ისინი უმეცრები და
გაუნათლებლები არიან-მეთქი. თუ
ერთა თვითგამორკვევაა, ჩვენც
ქართველ ებრაელებსაც გვსურს
გვეკონდეს ჩვენი, როგორც ეროვნების
სახე-მეთქი. გვყავს ახალგაზრდე-
ბი, რომლებსაც უმალესი სასწავ-
ლებლები აქვთ დამთავრებული და
ძველი ებრაული ენა, დამწერლობა
და გრამატიკა ზედმიწევნით აქვთ
შესწავლილი. ამას თვითონ ებრაე-
ლი ხალხი მოითხოვს და ხალხის
მოთხოვნას, მე მგონი, უყურადღე-
ბოდ არ დატოვებთ-მეთქი. ბოლოს
დამთანხმდნენ, მოითხოვეს, ხალხის
მოთხოვნა ქალაქში გააფორმეთ და
წარმოგიდგინეთო.

- ეს ძალიან სასიხარულო ამბავი
მოუტანია ბატონ ეფიმი ისაევიჩს, -
თქვა მიშა თავიდიშვილმა და მღელ-
ვარებისაგან პაპიროსი გააბოლა,
- მგონი იშველება ჭაობში ჩაფლულ
ჩვენს ხალხს და ცოდნის წყაროს დაე-
წაფება.

- დიდებულია! - ამოიკნავლა პიზო
ფიჩხაძემ და თავისი გრძელი ცხ-
ვირით ჰაერი დაყნოსა, ცხვირში
ოთახიდან გამოსული ცხელი საჭმ-
ლის სუნის ეცა და კინალდა გული შეუ-
ღონდა, მთელი დღე არაფერი ეჭამა
და ნერწყვის ყლაპვით განაგრძო. -
საინტერესოა, ჯამაგირს თუ მოგვცე-
მენ?

- სკოლა ხომ სახელმწიფოს გამგე-
ბლობაშია. ამიტომ ჩვენც სახელმ-
წიფო მუშაკები ვიქნებით და ჯამა-
გირიც ისეთი გვექნება, როგორც
სხვა სკოლებშია, - უპასუხა ეფიმი
ისაევიჩმა.

- სკოლის საკითხი თეორიულად
მოგვარებულია, მაგრამ პრაქტი-
კულად ბევრი არის გასაკეთებელი:
სკოლისათვის ბინაა საჭირო. მთავ-
რობას ბინის მოცემა არ შეუძლია,
ჩვენ უნდა დავიქირაოთ, - თმაზე ხე-
ლის გადასმით დაიწყო გერცელმა,
- ბინას ფული უნდა, რომელიც ჩვენ
არა გვაქვს. მე შეგულებული მაქვს
ჩვენს უბანში, კათოლიკების ქუჩაზე,
ცხრა ნომერში არტაშა სააკოვის სახ-
ლის ზედა სართული, იქ რვა ოთახია,
დიდი დარბაზი აქვს და, რაც უფრო
საგულისხმოა, შიგ არაფერია ცხოვრობს.
არტაშა მოგვაქირავებს. ვინ იკის-
რებს ფულის გაღებას სკოლისათ-
ვის? არც ცხინვალელთა და არც ახ-
ალციხელ ებრაელთა საზოგადოების
მდიდრები ფულს ჩვენ არ მოგვცე-
მენ. ფარლაგაშვილი, შათარაშვილი,
გუჯიაშვილი, დავარაშვილი და მანა-
შეროვი კაპიკსაც არ გაიღებენ ამ
საქმისათვის. ჯერ ერთი, იმიტომ,
რომ ამ საქმეში ფულს ვერ მოიგე-
ბენ. მეორეც იმიტომ, რომ ქართული
სკოლა ებრაელთათვის ეს ხომ იგივე
რელიგიის საწინააღმდეგო აქციაა.
საჭიროა, თავი მოუყაროთ უფრო
პროგრესულ ახალგაზრდა ებრაელ
ვაჭრებს და მათ ვთხოვოთ ფული,
ჩვენ ხომ მათ შვილებს უნდა ვას-
წავლოთ. ფაშა კრიხელი, იენისკიელ
ჯინჯისაშვილი, ილია ტეცოშვილი
და ხაიმ ჯანაშვილი ფულზე უარს არ
გვეტყვიან.



- როგორ უნდა მოუყაროთ თავი ამ
ხალხს?

- ზოგიერთის შვილები მამაჩემთან
ებრაულ ენას სწავლობენ. ბავშვებს
დავბარებთ, რომ ხვალ დილისათ-
ვის მამები მოიყვანონ, მათ მე
მოველაპარაკები.

- მათი ფულები არ გვეყოფა. სხვა
ლონიც უნდა ვილონოთ.

- ჩვენ შეგვიძლია ებრაელთა დრა-
მატული ნრე ჩამოვყალიბოთ და პიე-
სა დავდგათ.

- რომელი ებრაელი მოვა
თეატრში? ებრაელს ქუდი რომ შეუგ-
დო თეატრში, მის გამოსატანათაც არ
შემოვა!

- ჩვენ ებრაულ პიესებს ებრაულ
ენაზე დავდგამთ.

- ებრაელთა საზოგადოებაში ათმა
კაცმაც კი არ იცის ძველი ებრაული
ენა. თორავს თუ კითხულობენ, მათ
მხოლოდ კითხვა იციან, ისიც, შეზ-
ღულული ლექსით. წმინდა სალიტ-
ურატურო ენა მათთვის მიუწვდომე-
ლია.

- მალე ფურიმი იქნება, ეს ხომ
ებრაელთა წმინდა რელიგიური დღე-
სასწავლია, - განაგრძო გერცელმა.

- ამ დღისათვის ებრაელები ლოცვა-
ში მგვილათ ვსთერს კითხულობენ,
რომელშიდაც ჩანერილია ესთერა
მალქას და მორდხაის ისტორია,
ებრაელთა განთავისუფლების ისტო-
რია სპარსეთის მეფის, ახაშერაგის
ტყვეობიდან. მე ეს პავიოგრაფიული
მხატვრული ნაწარმოები გადმოქარ-
თულებული და პიესად მაქვს ქცეუ-
ლი. ამ დადგმაზე ხახმებიც კი მოვ-
ლენ და ეს სწორედ მისწრება იქნება
იმ მიზნის განსახორციელებლად,
რომელიც ჩვენა ვვაქვს დასახუ-
ლი. თეატრს ერთი ღამით დავიქი-
რავებთ. წარმოდგენის დამთავრების
შემდეგ აუქციონს გავმართავთ და
ყველა ხარჯის შემდეგ საკმაო თანხა
დაგვრჩება.

- მსახიობებს სად ვიშოვით?

- მსახიობები საძებარი არ არის.
ჩვენს ახალგაზრდობაში ბევრნი
არიან ისეთნი, რომელნიც სიხარუ-
ლით იკისრებენ ამ საქმეს, ილია და-
ვითაშვილი, მეტოვ ნითლაშვილი,
ცები კანზაველი, მენაშ იეგისკელ-
აშვილი, ილია პაპისმედოვი, მორ-
დხე დანიელოვი, მე, ხაიმი, თქვენ,
ორივე მიშა და შენ - ბენო ფიჩხაძე.
ქალებიდან დინა დავარაშვილი, რივა
ჟელეზნიკი და ლიზა ბატაშვილი.
აზიური ორკესტრიც მეორე გორელაშ-
ვილისა და პაშა ბახანოვის მეთაურე-
ბით იქნება, ჩვენ წარმოდგენაზე რომ
უსასყიდლოდ დაუკრავს. მონინავე
ახალგაზრდები დღეისათვის ბევრი
გვყავს. მხოლოდ მათი ხელმძღვან-
ელობაა საჭირო!

- სად შეკრიბავ ამ ხალხს? სად
ჩაატარებთ რეპეტიციას? - ამოოხზრ-
ით თქვა ეფიმი ისაევიჩი კოკიელოვმა.

ამ დროს ვიღაცამ კარებზე
მოაკაკუნა. ხაიმ ბაზოვი წამოდ-
გა და კარი გააღო. კარებთან შავ-
ტუხა თხელი ბიჭი იდგა, რომელსაც
გაქუცული პალტოს ჯიბიდან ქალა-
ღების შეკვრა მოუჩანდა. თავზე ქუდი
ჩამოფხატოდა, შავი გრუზა თმა ქუდ-
ში ვერ ჩატეოდა და საფეთქლებიდან
კიკინებივით გამოსწროდა. ცოცხალ,
მკვირცხლ და ნათელ თვალებს მერ-
ცხლის ფრთებივით გადმოფენოდა
ყარაჩი წარბები. - გერცელი მინდაო,
- იკითხა. გერცელმა სახეგაბრწყ-
ინებულმა ჰკითხა:

- რა იყო, მორდხე, რაზე შენუხებ-
ულხარ?

- გერცელ! რო დამავალე, მონა-

ფეების სია შემადგინეო, მოგიტანე.
- შემოდი სახლში, მორდხე, - მი-
ინვია გერცელმა.

მორდხე მორიდებულად შევიდა
შუშბანდში. თვალი რომ მოჰკრა
გერცელის ამხანაგებს, სირცხვილით
სახე აელენა და ფეხი წინ ველარ გა-
დადგა.

- გაიცანით! - სიცილით თქვა გერ-
ცელმა, - ეს მორდხე დანიელოვი,
ჩვენი მომავალი აინშტაინი, ლა-
მონა კოდეში ზედმიწევნით იცის და
მათემატიკაში ვერაფერს შეეჯიბრება.

- მათემატიკოსი ხარ, ბიჭო! - ლი-
მითი მიმართა ეფიმი ისაევიჩმა. -
აბა, ჩემკენ მოდი, ერთი თეორემა,
ხუთი წელიწადი გადის, ვერ ამომხს-
ნია, იქნებ შენ ამოხსნა.

- თეორემები მაგასთან ჯერ გამწყ-
რალად არიან, - შეეშველა გერცელი,
- ეგ ჯერ არითმეტიკის ოთხი გან-
ტოლების მეფეა. რაც გინდა, ჰკითხე
გამრავლებაში ან გაყოფაში, მაშინვე
გეტყვის პასუხს.

- გამრავლება და გაყოფა ხომ ყვე-
ლა ისრაელმა იცის! - ჩაიდუღლუნა
ბენო.

- ისრაელეებმა მხოლოდ სავაჭრო
ანგარიში იციან, - შეუტია მიშა კაკი-
ტელაშვილმა. მორდხე შეცბუნე-
ული იდგა, სირცხვილისაგან ოფლი
დაასხა, ფეხები უკანკალებდა.

- აბა, მითხარი, რამდენი იქნება
7963 გამრავლებული 4872-ზე? -
შეეკითხა ეფიმი ისაევიჩი.

- მორდხემა თავი მალლა ასწია,
მასზე მიშტერებულ ახალგაზრდებს
გადახედა და თქვა: 38795736.

- ეფიმი ისაევიჩმა პასუხი ქალაქში
დასწავლა და გამოანგარიშება შეუდგა.

- სწორია! - უცებ წამოიყვირეს
ეფიმი ისაევიჩმა და ფიჩხაძემ.

- რამდენი იქნება, - შეეკითხა
ისევ წუთის შემდეგ ეფიმი ისაევი-
ჩი, რომელსაც ქალაქში რაღაც
ჩანაწერი გაეკეთებინა, - 26731293
გაყოფილი 3859-ზე? ხუთი წუთის
შემდეგ მორდხემა უპასუხა - 6927.

- ფენომენალურია! - წამოხტა ეფიმი
ისაევიჩი. მორდხესთან მიიჩინა და
გადაკოცნა, - შესანიშნავია! - საიდან
იცი, ბიჭო, ანგარიში?

- თვითონ ვისწავლე. მე რა, შიმშო-
ნი ჩემზე კარგად ანგარიშობს, - უპა-
სუხა მორდხემა.

- რომელი შიმშონი? - შეეკითხა
ბენო.

- შიმშონ გორელაშვილი.

- მახსოვრობის უდიდესი უნ-
არი გქონია, შვილო, მთელ ხალხში
გამორჩეული ყოფილხარ.

- მე რა. აბა, შიმშონი ნახეთ, ან
აბრამ ოსიაშვილი. იმან ხომ მთელი
სეფერთორა ზეპირად იცის. ისეთი
ხმა აქვს, როგორც ბულბულს...

- ცოდვა არ არის, ასეთი ნიჭიერი
ახალგაზრდა სამშობლოს არ გა-
მოადგეს? ცოდვა არის, რომ ისინი
მოკლებულნი არიან საერთო გან-
ათლებას! - დანანებით თქვა ეფიმი
ისაევიჩმა.

- რამდენი მონაფეა სიაში, მორ-
დხე? - შეეკითხა გერცელი.

- სიაში ორმოცდა რვა მონა-

ფეა. აქედან ოცდაერთმა ქართული
წერა-კითხვა კარგად იცის და ლა-
მონა კოდეშიც ცოტად დასწავლია.
თვრამეტმა კაცმა ქართული წერა-
კითხვისა და ლამონა კოდეშიც გარდა
ცოტა რუსულიც იცის და არითმეტი-
კაშიც ერკვევა. დანარჩენმა თორული
ასობის მეტი არაფერი იცია.

- ამრიგად, ჯერ-ჯერობით სამი
კლასის მონაფეები გვეყოლება.
არაუშავსრა. საკმარისია. მორდხე.
ნუ დაიზარებ და საჩქაროდ გაიქეცი
ცები კანზაველის ბინაზე. იგი ახლა
სახლში იქნება. უთხარი, რომ ეხლავე
ჩემთან მოვიდეს. ხომ იცი, მისი სახ-
ელი? ნორაშენის ქუჩაზე ცხოვრობს.

- კი, ვიცი. ფალაგაშვილის სახლში
ცხოვრობს, სამ ოთახიანი ბინა აქვს.

მორდხე ციბრუტივით შემოტრი-
ალდა და ცების დასაძახებლად გაი-
ქცა.

- რეპეტიციებს ცების სახლში ჩავა-

(გაგრძელება მე-7 გვერდზე)

დიდებული მხატვრის ბასსუნეზა

ბასო მიხეაშვილი

ბასო მიხეაშვილი, ილიკო სუსიშვილი
ბასო მიხეაშვილი, რამაზ ჩხიკვაძე
ბასო მიხეაშვილი, ილიკო სუსიშვილი
ბასო მიხეაშვილი, რამაზ ჩხიკვაძე



ბასო მიხეაშვილი

დიდებული მხატვრის მიხეილ ჯანაშვილის საქართველოში თითქმის არ ვიცნობდი, მიუხედავად იმისა, რომ 1960 წლიდან სამხატვრო აკადემიის პირდაპირ ვცხოვრობდი.

მხოლოდ ისრაელში გავიგე, მის შესახებ, როცა ვნახე, ნახატები და ნამუშევრები, თუ როგორი მხატვარი იყო იგი.

მიშა ჯანაშვილს (იგივე მორდეხას) თბილისში ჩემი მეგობრის, ცნობილი ბიზნესმენის — შალვა ბენიამინის ძე ბაბალაშვილის შვილის, ძალიან ალალი და კარგი საქმოსნის, ალიოშა ბაბალაშვილის ოჯახში შევხვდი. შალვა ბაბალაშვილს ბინა ათარბეგოვის ქუჩაზე, ბავშვთა საავადმყოფოს პირდაპირ ჰქონდა და მეუღლედ ჰყავდა მიხეილ დავარაშვილის ქალიშვილი. ალიოშას იმჟამად კი ჰქონდა მისი ქალიშვილის, ლორენას დაბადების დღე, მონვეული ჰყავდა მეგობრების ვინრო წრე, ოჯახის უფროსის ალიოშა ბაბალაშვილის თხოვნით, ამ სუფრაზე მე მათამაადეს.

ჩემი თამადობით აღფრთოვანებულმა, დიდებულმა მხატვარმა მიშა, იგივე მორდეხა ჯანაშვილმა, იქვე სუფრაზე მითხრა მე შენ, აუცილებლად დაგხატავ.

გავიდა რამდენიმე ხანი და მიშა-მხატვარი თბილისის აეროპორტში შემხვდა, მოსული იყო საბაჟოში, ენადა გაერკვია ისრაელში წამსვლელთა უფლებები — თუ რისი გატანა შეეძლოთ და რისი — არა. აი, იქ მითხრა მორდეხამ:

— არავის ვალი არ მიმყვება, შენს გარდა. აქ ვერ მოვასწარი: ისრაელში, აუცილებლად დაგხატავ.

მე კი აეროპორტში ჩემს მეგობრებთან ერთად მისული ვიყავი რესტორანში სასადილოდ, რადგან მე აეროპორტთან ახლოს, ფაბრიკაში ვმუშაობდი. ჩვენთან ერთად იყო ჩემი მეგობარი კაცი, მომავალში კი, საქართველოს „სოხნუთის“ უფროსი მიშა კრიხელი, რომელიც ჩვენს ფაბრიკაში დიდებულმა პიროვნებამ — შალვა ფილხაზის ძე სეფიაშვილმა მოიყვანა. მიშა კრიხელი, კარგი და დიდებული ინჟინერი გახლდათ, საშუალო სკოლის „ოქროს მედალოსანი“ — უძვირფასესი ადამიანი. იქ ამ სადილობის დროს, მასთან მოვიდა თინა კრიხელი-სეფიაშვილი, რომელიც შალვა ფილხაზის ძის ძმის შვილი გახლდათ. ჩვენს შორის იყო, იმ პერიოდში ჩვენთან მომუშავე, ბესო აბრამის ძე ოჩერაშვილი, რომელმაც დიდი, დაუღალავი შრომის შემდეგ, ჩვენს ფაბრიკაში, ერთი ისეთი დიდებული სიახლე დანერგა — ქალის და მამაკაცის ხაოიანი შარფები რომელმაც, დროებით შეეყოვნებული ჩვენი საქმიანობა, სერიოზულად წინ წასწია. გამორჩეულ ფაბრიკად გახადა მსუბუქი მრეწველობის სამინისტროს ფაბრიკებს შორის. რა სამწუხაროა, რომ ასეთი ძვირფასი ადამიანი საავტომობილო კატასტროფაში, სრულიად მოულოდნელად დაიღუპა. ამ გამოგონების პერიოდში ბესო ოჩერაშვილს გვერდით ედგა ფაბრიკის მთავარი ინჟინერი — ბელა პეტრეს ასული ოფენგენდენი — გრუმანი, რომელიც დღეს ამერიკაშია, ეს იყო და ეს ჩემი შეხვედრა მიხეილ (მორდეხა) ჯანაშვილთან, მერე იგი ისრაელში გამოემგზავრა და გარდაიცვალა კიდევ, მაგრამ აქ მისი ნახატები რომ ვნახე, დავრწმუნდი, თუ რაოდენ დიდებული მხატვარი ყოფილა ჩვენთან სუფრაზე.

დღეს ძალიან მახარებს ისრაელში გამოფენებზე, თუ სხვადასხვა პირებთან მის ნახატებს რომ ვხედავ. რამდენიმე ნახატი თვალწინ მიდგას.



ბასო მიხეაშვილი, ილიკო სუსიშვილი



კინო დეილა 1983



ბასო მიხეაშვილი, რამაზ ჩხიკვაძე

რას ვპიტიხ ულობთ ამ კვირაში? რაბინის კუთხე



Yaron Melnikov

რა არის მთავარი მიცევი, რომელიც უნდა შევასრულოთ რომა-შანაში-1 და 2 თიშრეს?

რომა-შანა არის სასამართლოს დღე, სადა მოსდის ლოცვის შემდეგ ისრაელები ერთმანეთს უსურვებენ კარგ განაჩენს, სადაც ჩაწერილი იქნებიან ბედნიერ ცხოვრებაზე.

თორა გვახსენებს რომა-შანაში შოფარის დაკვრას (ვისაც არ შეუძლია, მოსმენას), ეს მიცვა სრულდება დილის ლოცვის დროს და უნდა მოვისმონოთ შოფარის 101 ხმა სეფარადული ტრადიციის მიხედვით.

და რა არის ამ დროს მთავარი, რაზე უნდა ვიფიქროთ? გვასწავლიან ჩვენი ხანამებ, რომ უნდა ვიფიქროთ თეშუბაზე.

და რა არის თეშუბა – ქართულად ამ სიტყვას არ აქვს შესაფერისი თარგმანი, და ალბათ შეგვიძლია გამოვხატოთ მინიმუმ 2 სიტყვით – მონანიება და დაბრუნება (პაშემის გზებზე)

ვნახოთ, რას წერს ამის შესახებ რამბამი: თეშუბა რომ იყო მთელზე, ადამიანი უნდა მოინანიოს (წაიკეთოს სპეციალური მონანიების ლოცვა), სიტყვიერად აღიაროს და მოყვას პაშემის წინ რა ცოდვაც ჩაიდინა, გამოთქვას თავის წუხილი ჩაღვნილ ცოდვასთან დაკავშირებით, მოინანიოს, დაღოს პირაბა რომ აღარ გაიმეორებს დანაშაულს და ითხოვოს პატიება.

ვიდეთ – მონანიება – ეს არის პირადი საუბარი პაშემთან და არ არის აუცილებელი, რომ ეს იცოდეს

კიდევ ვინმე, განსაკუთრებით ადვილია თეშუბის გაკეთება ელულის თვეში, მაგრამ შესაძლებელია მთელი ცხოვრების განმავლობაში.

რამბანის დედაშვილი – რაბინი იონა თვლის რომ თეშუბის გაკეთება უფრო რთული და ვრცელი პროცესია და მას ჩამოყალიბებული აქვს თავის წიგნში – „თეშუბის კარები“ – თეშუბის 20 პრინციპი – თეშუბის პრინციპები რაბინი იონას მიხედვით:

- 1 – სინანული ჩაღვნილის გამო, 2 – დანაშაულის მოცილება, 3 – დარღვივა, 4 – მწუხარება, 5 – მოუსვენრობა, 6 – სირცხვილი, 7 – თავდაპირველი მთელი გულით და თავის დამცირება, 8 – შეგუება, რომელიც გამოიხატება ქვეყანაში, 9 – გაანადგუროს თავის თავში მატერიალურობისკენ ვნება, 10 – შეცვალის თავის საქციელი იმ საკითხში, რაც დაარღვია, 11 – თავის ქცევის შესწავლა, 12 – გამოიკვილოს, გაიგოს და შეისწავლოს რა სასჯელია ყოველ დანაშაულზე, 13 – ჩათვალს ყველა დანაშაული მძიმე დანაშაულად, 14 – მონანიება, 15 – ლოცვა, 16 – გაფლქვების გამოსწორება, 17 – მისდოს ქველმოქმედებას და სიმართლეს, 18 – მისი დანაშაული ყოველთვის იყოს მის თვალწინ, 19 – შეაჩეროს დანაშაული, როგორც კი შესაძლებელია, 20 – რამდენადაც შესაძლებელია მოახდინოს ზეგავლენა სხვებზე, რომ გააკეთონ თეშუბა მოკლედ განვიხლოთ რამდენიმე მათგანი:

სინანული ჩაღვნილზე – ადამიანი უნდა დაფიქრდეს და მიხედოს, რომ პაშემის მიტოვება ცუდია, დაფიქრდეს და იქნებ, მივიდეს მის გულამდე ახრი – დასჯის და დანაშაულზე პასუხისგების. ჰქონდეს დარღვივის არასწორ საქმეებზე და იფიქროს: რა ჩაიდინე? რატომ არ შემიშინდა პაშემის, მისი სამართლის და სასჯელის? ბოროტმოქმედს ხომ სჯიან მრავალჯერადი დარტყვებით.

დავაზიანე ჩემი სული, ჩემმა ცუდმა საწყისმა მე დამზავა. მე ვეცხოვრობ ისეთ დონეზე, რომელიც ცხოველსაც არ შეესაბამება, მე დავიცი უფრო ქვევით, ხარბა იცის თავის ბატონი, და ვირმაც იცის ადვილი სადაც თავისი ბატონი აქმევს საქმელს – და მე კი დამავიწყდა ჩემი ბატონი და ვფიქრობდი, რომ ვარ თავისუფალი მისგან, ვიღებდი სიამოვნებას თავისგან და არ ვფიქრობდი ჩემი არსებობის დასასრულზე, ვქურდობდი და ვყაჩაღობდი, ვჩაგრავედი ღირსებას, არ ვფიქრობდი გარდაცვალების წუთზე, რომელიც არ დატოვებს ჩემი სულისგან არაფერს, გარდა ტანისა და საფლავისა.

მონანიება – წერია თორაში – (ვაიკრა 5:5) – „და აღიაროს ის, რაც ჩაიდინა“ და უნდა აღიაროს როგორ თავის აგრეთვე წინაპრების ცოდვებზე, იმიტომ რომ შეიძლება ამისთვისაც ისჯებოდეს, თუ მისი საქციელი გავს წინაპრების საქციელს, რადგან ასევე წერია (ვაიკრა 26:40) – „მაშინ აღიარებენ თავის და

თავიანთი მამების დანაშაულებს“

ლოცვა – ლოცე პაშემთან და თხოვე, რომ გაპატიოს და გაბათილოს შენი დანაშაულები.

დავიდ ა მელეხი ასე ლოცულობდა პაშემთან: მომიცილე ცოდვა ჩემს მიერ ჩაღვნილი და ამ საქციელიდან გამასუფთავე. არ გამაგლო და შენი წმინდა სული არ წამართვა. შენი სიკეთის სულით დამეხმარე მე.

და მუდმივად თქვას ირმაიუ წინასწარმეტყველის სიტყვები: „დამაბრუნე და მე დაგებრუნდები, იმიტომ, რომ შენ ჩემი პაშემი ხარ“ (ირმაიუ 31:17).

ჩვენი ხანამები ამბობენ, რომ არის 24 რამ, რაც ადამიანს ხელს უშლის განწყენდასა და ღვთისაკენ მიბრუნებაში: ჭორი, ავი ენა, გაბრაზება, ცუდი აზრები, ვინც უფრთდება ბოროტებს, ვინც მიირობს საქმელს, რომელიც არ ჰყოფის მასპიმეფს, ვინც აკვირდება მისთვის აკრძალულ ქალს, ვინც ყიდულობს მოპარულს, ვინც ფიქრობს ახლა შეგვცოდვ და მერე მოვინანიებ და მეპატიებაო, ვინც იღებს პატივისცემას ახლობლების ხარჯზე, ვინც დაშორდება ჯამათს, ვინც არცხვეს თავის წინაპრებს, არცხვეს თავის მასწავლებლებს, წყველის თავის ერს, ხელს უშლის ხალხს რომ შეასრულონ მიცვები, აცდენს თავის ახლობლებს, სარგებლობს ღირსების გირაოთი, იღებს ქრთამს, რომ გამოითანოს არასწორი განაჩენი, პატრონს არ უბრუნებს ნაპოვნს, თუ შეიღმა გადაუხვია გზიდან, არ აჩერებს მას, მიირობს ღირსების, ქვრივების და ობლებისგან მოპარულს, უარყოფს ხანამების სიტყვებს, ეკვიპობს უდანაშაულებზე, დასცილდეს მიცვებს.

ასევე ამბობენ ჩვენი ხანამები: გახსოვდეს, თუ შენ დანახე, რომ ვინმე შესცოდა, მეორე დღით არ უნდა იფიქრო მასზე ცუდი, უნდა იყო დარწმუნებული, რომ მან უკვე მოინანია.

ამბობს შლომო პა მელეხი: (კოელეთ – 7:20) არ არის ღედამიწაზე ცადიკი, რომელიც აკეთებს სიკეთეს და არ შეიცოდოს

მთავარია ადამიანი ხვდებოდეს, რომ სცოდავს და უნდოდეს ამის მონანიება და პაშემის გზებზე დაბრუნება, მაგრამ თუ ეუბნება მონა თავის ბატონს – ყველაფერს შევასრულე, რასაც მიბრძანებ–ერთი რამის გარდა – ეს ნიშნავს, რომ მან მოიცილა მორჩილების უღელი და აკეთებს რასაც უნდა. ის არასდროს არ გააკეთებს ნამდვილ თეშუბას, იმიტომ რომ ის ირჩევს და აკეთებს იმას, რაც მოსწონს, ან ესმის და არ აკეთებს იმას, რასაც ვერ ვგუგებ, ნამდვილი თეშუბა კი არის უპირობოდ იმის შესრულება რასაც პაშემი გვეუბნება – გვესმის თუ არ გვესმის, ვიგებთ თუ ვერ ვიგებთ, მოგვეწონს თუ არ მოგვეწონს, ვგუგუებით თუ ვერ ვგუგუებთ.

დაგავამადლიანოს პაშემმა სწავლაზე, შესრულებაზე და ნამდვილ თეშუბაზე.

შანა ტოვა ვე მეტუა – გილოცავთ 5775 წელს!

ტარებთ. მას კარგი ბინა აქვს და მშობლებიც კულტურული ყავს, ხელს არ შეგვიძლიან. მთავარია მსახიობებს როლები დაეუნანილოთ. ისინი საჩქაროდ დაიხეპრებენ... სუფლიორი არ დასჭირდებათ.

შენი ოჯახი ამოწყდა, ფურიშის მადლით, ამენ ეირასონ. ოცდაათი გირვანქა ფქვილი ძლივს ვიყიდე. შენ კი იხახი, ოცდახუთი გირვანქააო. ისე გიცოცხლა ცოდველი, შე განაბო, როგორც ეგ ოცდახუთი გირვანქა იყოს! სად არის გაბაი, სად არის ხახამ დავითი, შენ გაგიწყია დღევანდელი გამობრძანებული სეფერთორა, შე ლივიანიო, შე ხაზირო შენა! - ყვირის ეზოში მოხუცებული ებრაელი და ფქვილის მწონავ აბრამ პაპისმედოვისაკენ მუშტებით მიიწევს.

შუშაბანიდან გერცელი და მისი ამხანაგები გამოვარდნენ. ეზოში ხალხი მოგროვილიყო და სეირს უცქერდა. აბრამ პაპისმედოვი მოჩხუბარ ებრაელს ქოქოლას აყრიდა, ჟღალა წვერზე გამოდმებით ხელს ისევამდა და გაჰყვიროდა:

- მომმორდი აქედან, გეუბნები, დაიმში არ შემიყვანო, შე ყაბოდაზარა, შენა, ქურდობასაც რომ მამბრალეხს ეს თვითონ ქურდი და სალახანა, - თან ცალი ხელით გირს უქნევს, - ნადი, თორემ, გირს დაგარტყავ მაგ გამოტყინებულ თავში.

- ყესავი ხარ, შე გასახერმებელე, შენა, ნამდვილი ყესავი!

ლოცვიდან ცხინვალებების გაბაი ოქრო დავარამვილი გამოვიდა. საჩქაროდ ჩამოირბინა კიბეზე, მოჩხუბრებთან მიიჭრა და შეუყვია:

- ხმა ჩაინყვიტეთ, ეხლავე, თორემ, თორის მზემ, თორივს ლავამებით გაეაბრტყვლებთ.

აბრამ პაპისმედოვა გირი სას-

ნორზე დადო, ხალხმა ოქროს გზას მისცა. ოქრო მოხუცებული ებრაელს მიბრუნდა და თვალების გადმონათებით უთხრა: - რას გაჰყვირიხარ. ესლა უნდათ ჩვენს გარაშაყებულ ახალ-გაზრდობას, - და ხელი გერცელისა და მისი ამხანაგებისაკენ გაიშვირა. - თუ რამე შეცდომავა, კანტორაში ამოდი და იქ გავარკვევ.

- კანტორაში რომ ამოვიდე, ეს ცეფარდეაყი ჩემს ფქვილს სხვის ფქვილში აურევს და ჩემი ხუთი გირვანქა ფქვილი დამეკარგება. აჰა, კვიტანცია, ნახე, ოცდახუთი გირვანქა გამომიწერა მაშინ, როცა ჩემი ფქვილი ოცდაათი გირვანქაა.

- აბრამი ჯამათისგანანა არჩეული ფქვილის მწონავად, ძალზე პატიოსანი კაცია, მაგას როგორ იკადრებს.

- მაგის პატიოსნება ეხლავე გამოჩნდება. აბა, ჯერ ფქვილი ანონეთ, ავნონით და მერე ილაპარაკე მაგის პატიოსნების ამბავი!

- აბრამ, მიეცი ფქვილი უკან, ნავიდეც და ახალციხელების ლოცვაში გამოაცხოებისას.

-ახალციხელები მე მასას არ გამომიცხოებენ, მე ხომ ცხინვალები ვარ.

- შენ არც ცხინვალები ხარ და არც ახალციხელები, შენ კახელი ხარ, ენისელები.

- თელავში მასას არ აცხოებენ. - ფქვილი ცხინვალში ნაილე და იქ გამოაცხოებინე.

- რა, მასხრად მივადე, ოქროვ, ოცი წელიწადია ქალაქში ვცხოვრობ და ცხინვალში ვიარო ფქვილით? გეწყინა, განაბობაში რომ დავიჭირე შენი აბრამი?

გერცელი და მისი ამხანაგები შექუჩულ ხალხს მიუახლოვდნენ და ბენო ფიხაქემ ოქროს დაუყვირა:

- შენს ზარაფხანაში ხომ არ გგონია

თავი, ოქრო, ასე რომ აპამპულეებ ღარიბ ისრაელს? როგორც აგირჩიეს გაბათით, ისევე გადაგირჩევენ, თუკი ასე ათვალნუნებით მოექცევი ჯამათს. თუ შენი აბრამია მართალი, გაუშვი ხელახლად ასწონონ ელყეზერის ფქვილი.

- ხელახლა ასწონონ, ხელახლა! - დაეთანხმა ვილაცა.

- ხელახლა, ხელახლა! - ნამოიყვირა ხალხმა.

აბრამს ჭირის ოფლი გადმოსდიოდა. ჯერ ეცადა, რომ ეხისკიელის ფქვილი დიდ ტომარაში აერიდა, მაგრამ ხალხმა არ გაუშვა. მერე სასწორის მოშლა უნდოდა, არც ეს დაანებეს. ამ დროს შამამი გაბრეილიც ჩაერია საქმეში. აბრამს ხელი ჰკრა და გვერდზე გასწია, მოავლი ელყეზერის ფქვილს ხელი და სასწორზე დადო. სასწორმა სწორედ ოცდათერთმეტი გირვანქა ასწონა.

ჯამათი გაკვირვებით მისჩერებოდა აბრამ პაპისმედოვს და ოქრო დავარამვილს.

- ესეც, შენი აბრამი, მამა აბრამი გაუწყინებს მაგას! - დაიყვირა შამამ გაბრეილმა. - ჩვენი ჯამათისაგან მოპარული იყვილით არის გამდიდრებული. ისე გაიხარა მაგან, როგორც ეგ არის პატიოსანი! გაბაი რომ ოქრო დავარამვილი იქნება, რა ეთქმის იმ ლოცვას. ოქრო! ნუ მიბღვერი ეგრე, შენი არც მეშინოდა და არც მეშინია! შენი დრო, დიდი ხანია. ნავიდა.

- ჩაიგდე ენა მუცელში, თორემ ლოცვიდან გაგაგდებ, შე ბებერო ემ-მაკო!

- ლოცვა შენი ხომ არ გგონია, შე ყაჩაღების თავო შენა! ხუთი კაცი გყავს მოკლული და ღმერთი მნამსო, იხახი, შენმა მზემ, აკადემ ბარუხუ ძალიან გიყვარს, შენ ხომ ქვებითა ხარ ჩასა-

ქოლი, ვინ გიშვებს ბეით ქნესეთში, კებურაზე ხარ გასამსევრებელი...

- კებურაზე შენ ნაგათრევენ, შე ბებერო მელა...

- ხალხო, ხუთი წელიწადია, ლოცვას ჩემთვის ჯამაგირი არ მოუტყია, მუქთად ვემსახურები ჯამათს, ჩემს ფულს კი ეს ყაჩაღი სჭამს და თან მემუქრება, ლოცვიდან გაგაგდებო. გაჩერდი თორემ, ადონაის მზემ, რაც არ გამიკეთებია, იმას ვიხამ: მთავრობაში მივალ და ყველაფერს ვეტყვი, თუ როგორ ემსახურებოდი ოხრანკას, როგორ მოკალი ჯავამი მენშევიკების დროს...

- გაბრეილ! - გადმოსძახა ლოცვის აივნიდან ხახამ მერ ჯინჯინამვილმა. - ამოდი ჩქარა, სეფერთორის იადაიმი მოგვიძებნე.

- მოვიდვიარ, - მიამახა გაბრეილმა, ოქროს გვერდით ისე გაუარა, არც კი შეუხედნია. სალოცავის კიბეზე ნელ-ნელა ასვლა დაიწყო.

- ჯამათი უჩემოდ ერთ წუთსაც ვერ ძლებს, ეს კი იხახის ლოცვიდან გაგაგდებო, ვე კაცვალე ჩვენს ჯამათს, რომ მხარში მიდგას და ჩემს თავს არავის აჯობებინებს, - ბურტყუნებდა გაბრეილი.

ხალხი დაიმალა. აბრამმა ახალი ქვითარი დაუნერა ელყეზერს, ოქრო კუდამოძუებული გავარდა სალოცავის ეზოდან შეაქოლის დასალევად. გერცელი და მისი ამხანაგები ნელა გაიკრიფნენ შუშაბანდში, ფურნიდან მასის ცომის ზღის ხმა, მაქანის გუგუნი და სევდიანი სიმღერა ისმოდა.

- როდის ეშველება ჩვენს უბანს, ჩვენს ხალხს, ჩვენს ახალგაზრდობას? - ამბობს გერცელი და თავის ამხანაგებს მიუძღვის.

(გავრძელება იქნება)

ჩვენი მეგობარი შალვა მარდი

ამასწინათ შვეიცარიიდან მივიღეთ გამოჩენილი ქართველი ებრაელი დასტაქარის, მედიცინის მეცნიერებათა დოქტორის, მრავალი სამეცნიერო ორგანიზაციის საპატიო წევრის, აკადემიკოს შალვა მარდის (მარდახიაშვილის) წერილი, რომელშიც იგი გაზეთ „მენორას“ ერთ-ერთ ნომერში გამოქვეყნებულ მასალებს ეხმაურებოდა და აფასებდა მათ როგორც „ძალიან საინტერესოს და ყველაზე აქტუალურს“


მაგრამ ამ გამოჩენილი პიროვნების წერილში უფრო მეტად საყურადღებო და შეიძლება ითქვას, გულდასაწყვეტიც გახლდათ ის პასაჟი, რომელშიც თავის ასაკსა და მისგან გამომდინარე ფაქტორებზე წერდა (ვიდრე ბ-ნი შალვას წერილი მოვიდოდა, ერთი ისრაელელი მეგობარი სატელეფონო საუბარში გვიამბობდა, თუ როგორ ჩავიდა შალვა მარდი ისრაელში, როგორ შეკრიბა მეგობრები და სერობაზე განუცხადა, რომ ასაკის გამო ისრაელში წყვეტს თავის საქმიანობას).

ბ-ნი შალვა მისთვის ჩვეული ირინით (თვითირონითაც კი, რაც უაღრესი ტალანტით დაჯილდოებულ ადამიანთა თვისებაა), წერს: „მაღე 82 წელი შემისრულდება. პენსიაზე გასვლის დროა, მაგრამ ჩემი მსოფლიო მნიშვნელობის სამეცნიერო პროექტები, რეკონსტრუქციური პატენტები, პარტნიორები და კოლეგები, ასევე ყოფილი და მომავალი პაციენტებიარ მძღვევენ უფლებას ვიყო ბებერი, ავადმყოფი და მშვიდად დავტოვო ეს მშვენიერი სამყარო. ყველა ერთხმად გაიძახის, ამ შემთხვევაში ქვეყნიერებას კიდევ სჭირდება“

ბატონი შალვა იმასაც წერს დღეღამეში 25 საათს ვმუშაობ, წინ კიდევ ბევრი პროექტის აღსრულება მაქვსო.

აი, ასეთი ერთობ ცინცხალი, საინტერესო აზროვნების პიროვნებაა ბ-ნი შალვა, ხოლო, რაც შეეხება 24 საათიან დღე-ღამეში მის 25 საათიან „მუშაობას“ ამას მის დიდებულ მეუღლეს მედიცინის მეცნიერებათა დოქტორს ქ-ნ როზმარი მარდს უნდა ვუმაღლოდეთ: იგი ისეთ გარემოს უქმნის ბატონ შალვას, რომ ადამიანს დიდი შრომის სურვილი და ძალა უჩნდება.

ბ-ნი შალვა წერს, ცხოვრებაში მოსეს ყოველ მცნებას ვასრულებდიო. ამიტომ ისევ მოშე რაბეინუს მიუზრუნდებით და რომ ჰაშანის წინა დღეებში შალვა მარდს ვავალდებულებთ ბოლომდე მისდიოს მოშე რაბეინუს — მისებრ 120 წელი დარჩეს მზისქვეშეთში.



შორაში — ებრაული ფესვები



20-31 აგვისტოს ბაკურიანში ჩატარდა საზაფხულო საბავშვო ბანაკი „შორაშიში“ — „ებრაული დიასპორის ფესვები და მომავალი.“ ბანაკში თავი მოიყარეს კავკასიის რეგიონის ებრაელმა ბავშვებმა, ისინი არა მხოლოდ ებრაული ატმოსფეროში ისვენებენ და კაჯდებიან, არამედ ებრაული ერის ისტორიას, ტრადიციასაც ეუფლებიან. განსაკუთრებული აქცენტი კი კავკასიის რეგიონის ებრაელობის ისტორიაზე, კულტურასა და ტრადიციაზე კეთდება, იმაზე, რაც ასე ახლობელია ბავშვებისათვის და რისი ცოდნაც მათთვის ასე აუცილებელია.

ბანაკის გახსნას წინ უძღოდა სამდღიანი მოსამზადებელი სამუშაო — 17-19 აგვისტოს ჩატარდა ბანაკის თანამშრომელთა, პედაგოგთა სემინარი. ამ უკვე საკმაოდ აპრობირებული პროექტის ხელმძღვანელია „შორაშიში“ მეთაური უკრაინისა და კავკასიაში დოქტორი ნატალია ბაკულინი.

ამ პროექტის განხორციელება შესაძლებელი გახდა „ჩარიტიზ ეიდ ფაუნდების“ ებრაული სააგენტოს — სოხნუთის, „ჯოინთის“, საზოგადო მოღვაწეების; მარკ შაბადის, დავით იაკობაშვილისა და ევრაზიის ებრაელთა კონგრესის კიევის ოფისის ქველმოქმედების მეოხებით.

ბანაკის მუშაობის გასრულების შემდეგ „მენორასთან“ საუბარში ნატალია ბაკულინიმ თქვა:

— წელს ბანაკში თავი მოიყარა 90 მოზარდმა. ესენი არიან თბილისელი, ბაქოელი, გორელი, იერუსალიმელი, რიშონ ლეციონელი, კიეველი, როვნოელი, ბორჯომელი ბავშვები. 2014 წლის ბანაკის მთავარი კონცეფცია გახლდათ „თიკუნ ყოლამ“ („სამყაროს გამოსწორება“) თანამედროვე სოციუმისათვის ეს მეტად აქტუალური საკითხია. ბანაკის ყოველი დღისათვის შერჩეული გახლდათ სხვადასხვა თემატიკა: „გიყვარდეს მოყვასი შენი, ვითარცა თავი შენი“, „რას გთხოვს შენ უზუნაესი, თუ არა სამართლიანობას, სიყვარულს და გულმონყალებას?!“, „რა არის კეთილი საქმე, როგორ ვაკეთოთ იგი“, „ადამიანის მისია და ადგილი სამყაროში“, „სამყაროს შეცვლის თაობაზე“, „თიკუნ ყოლამი მოქმედებაში“ და სხვ.

მოზარდებმა დაათვალიერეს სურამის ებრაული უბანი, ნახეს ქალაქი--გამოქვაბული ვარძია, თბილისის უბნები, რომლებთანაც დაკავშირებულია ამ ქალაქში ებრაელთა ყოფა.

ყოველ ადამიანთან განშორება ცხადია გულსაკლავია, მაგრამ არიან ადამიანები რომელთა სხვა სამყაროში გადასვლა, განშორება განსაკუთრებულ ტკივილს იწვევს. ერთი ამათგანია ომარ სეფიაშვილი — კაცი ნათელი, ნიჭიერი, კეთილშობილებით აღვსილი.

დაუვინყარია ომართან შეხვედრები, იგი მეუღლესთან — ჯულიეტასთან და თავისი ოჯახის წევრებთან ერთად „პერესტროიკის“ წლებში თითქმის პირველი იყო რკინის ფარდა რომ გაარღვია და მონატრებულ საქართველოს ეწვია. დაუვინყარია იმდროინდელი შეხვედრები. ბესო მიხელაშვილმა, ილიკო მოშიაშვილმა, ანგანსვენებულმა რაფო ჩაჩანაშვილმა ხალხმრავალი შეხვედრები მოუწყვეს დიდი კოკი სეფიაშვილის ოჯახის წევრებს. იმ საღამოების შთაბეჭდილება დღემდე მომყვება. ბრწყინავდნენ ბატონი კოკის ოჯახის წევრები. ბრწყინავდა ომარი. მისი მეუღლე ჯულიეტა — სიტყვა-პასუხით, ებრაული იდენტობის გამოვლინებით იგი მისაბაძ პიროვნებათ წარმოგვიჩინდა. მაშინ ჯერ კიდევ ადრე იყო ეს გვცოდნოდა, მოგვიანებით შევიტყვეთ, რომ ომარი იმ ოჯახის შვილი გახლდათ, რომელიც საბჭოეთის წლებში მთელი საბჭოთა კავშირის ბეით ქნესეთების ნახევარს აფინანსებდა. ცხადია ბატონი კოკი მარტო არ იყო, იგი და მისი საქმიანი მეგობრები ეწეოდნენ ამ სასახელო საქმეს. ამ ოჯახში გაზრდილი ომარი, მართლაც ჭეშმარიტი განსახიერება გახლდათ ქართველი ებრაელობისა — ნიჭიერი, წინდახედული, ქველმოქმედი, ღვთის წინაშე თავდახრილი, რწმენით ძლიერი. ასეთი იყო ომარ სეფიაშვილი, ასეთი იყვნენ ქართველი ებრაელები და ამგვარი ადამიანების არსებობა ხალხშიც ბევრ სასიკეთო ძვრას განაპირობებდა.

მარადიული ხსოვნა ამ ჩინებული პიროვნების — ომარ სეფიაშვილისა!

ბ. ბ.



სვეტა და ნოდარ პარლაგაშვილები, მაია და დევიდ პალაგები, მაკა და ზაზა აივაზები, ინგა და რეუვენ ენოხები (ენუქაშვილები), ნინო და ელი ენოხები, ლუბა ენუქაშვილი, ციალა ბუზიაშვილი-იაკობაშვილისა ღრმა მწუხარებით იუნყებიან, რომ კანადაში გარდაიცვალა ცნობილი ბიზნესმენი და მეცენატი

ომარ კოკის ქალიშვილი (საფიანაშვილი)

და თანაგრძნობას უცხადებენ განსვენებულის ოჯახს.

დაგვუხანებლნი და გამოცემილნი: გურამ ბათიაშვილი, კოტე აბაშიძე თბილისი, ლეონიძის 11^ბ, ტელეფონები: 299.90.96, 277.20.57

რეგისტრირებულია ქ. თბილისის მთაწმინდის რაიონის სასამართლოს მიერ. რეგისტრაციის № 4/1-921

რედაქტორი გურამ ბათიაშვილი ISSN 1987-8982 UAC 070 411.16 8-557 9771987898003